



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 85. Principum Protestantium Oratores ad Cæsarem ablegati.

[urn:nbn:de:hbz:466:1-66615](https://nbn-resolving.org/urn:nbn:de:hbz:466:1-66615)

„ bunt, si te Auctore illud idem can-
 „ ticum audient, quod ipsimet olim
 „ intonabant in natali illius die, qui
 „ in sacris literis Rex pacificus nun-
 „ cupatur. „ Attamen hæc oratio
 tantopere ad persuadendum efficax nec-
 dum Cæsaris animum commovebat;
 quippe injurias sibi a Gallo illatas tam
 iniquo ferebat animo, ut ejusmodi pro-
 positionibus aurem præbere renueret,
 quapropter triduo post colloquium dis-
 solvebatur, quin tamen circa nego-
 tium, quod Franciam spectabat, quic-
 quam concluderetur, moxque Carolus
 V. Pontifice valere jussu itineris com-
 pendio usus, nullibi moram traxit, ac
 per Tridentinam urbem in Germaniam
 contendit, Papa vero Romam rediit,
 cui non alius inde exstitit fructus, nisi
 quod eorum ora obturarit, qui Papam,
 si hoc iter non suscepisset, abs dubio
 fuissent convitiati, perinde ac si con-
 ciliandæ pacis labori pepercisset.

§. LXXXV.

*Principum Protestantium Oratores
 ad Cæsarem ablegati.*

A dhucdum Cæsar in Italia agebat, *Steid. l. 15.*
 cum Brunsvicensis Dux ad eum *p. 49+*

Cremonam veniret, & ad illum con-

K 4 tra

Sæcul. XVI.
 A. C. 1543.

Sæcul. XVI. tra Principes Protestantes, a quibus
A.C. 1543. sua ditione fuerat exutus, suas quere-
 las deferret: Cum autem illi literas,
 quas Imperator Genuæ scripserat, ac-
 cepissent, simulque Carolum cum exer-
 citu suo appropinquare intelligerent,
 mox die vigesima quarta Junii Conven-
 tum egerunt, ut non modo suos Depu-
 tatos ad Cæsarem decernerent, sed
 etiam Brunsvicenses ditiones tueren-
 tur. Solvebatur hic Principum Con-
 ventus die vigesima prima Julii, ex-
 eunte vero eodem mense Protestantium
 Oratores scilicet Franciscus Burcartus,
 Georgius Bemelbergus, Christophorus
 Veningerus, & Jacobus Sturmus Spi-
 ram delati sunt, ubi Cæsar paucis ab-
 hinc diebus advenerat: Admissi igitur
 ad alloquium die secunda mensis
 Aprilis eadem ferme, quæ jam antea
 Romanorum Regi exposuerant, repe-
 tebant, tandem in fine orationis hæc
 addentes: *Si quidem nobis caveatur de
 pace, sique Cameræ judicium emendetur,
 uti Ratisbonæ nuper decretum fuit, si
 denique contributionum tollatur inæqua-
 litas, non deerimus publicis Imperii ne-
 cessitatibus.*